

Jus Canonicum Practice Explicatum, Seu Decisiones Casuum

Ad Singulos Decretalium Gregorii Papæ IX. Titulos, & ad consuetum Referendi modum accommodatæ. Opus Novum

Complectens alteram Decretalium medietatem, videlicet nonaginta duos Titulos, à Titulo XX. libri III. de Feudis usque ad finem

Pichler, Vitus

Ingolstadii, 1734

Quæstio II. An hoc vorum Amandi sit reservatum Pontifici, ita ut ab inferiori dispensari vel commutari nequeat?

[urn:nbn:de:hbz:466:1-62204](https://nbn-resolving.de/urn:nbn:de:hbz:466:1-62204)

fuga otij &c. superari adjuvante Dei gratia, quæ non deficit, & spe futuri præmij animante. Difficultas notabilis supervenientis non tam se tenet ex parte rei promissæ, quam ex prava voventis inclinatione, vim sibi aliquam inferre non volentis. Denique hoc argumentum probaret, etiam Matrimonium non amplius ligare, si notabilis difficultas, prius non prævisa, superveniat; v.g. perpetua infirmitas aut impotencia conjugis, fuga vel pessima vita mariti &c. Item cessare votum Castitatis à Religioso, vel à Subdiacono emissum, si postea gravissimis pulsentur tentationibus, quod nemo Catholicus dixerit.

Ad 4. quod rursus probaret nimum, nempe non obligare votum Castitatis à Religioso vel Subdiacono valde in Venerem propensionem emissum, vel si graves tentationes superveniant; item Matrimo-

nij vinculum cessare propter difficultatem valde gravem supervenientem. Dein N. Min. vel dis. mortali est impossibilis, si vovens nolit adhibere alia remedia naturalia, & supernatura, ad continentiam servandam proficia & necessaria. C. Min. si ea velit seriò adhibere, scuti ad id tenetur post votum, nū impetret dispensationem. N. Min. Deus certò dabit gratias congruas, si sollicitè & constanter imploretur, si debita cautelæ adhibeantur &c. ita ut successu temporis observatio continentiae non sollùm possibilis & facilis, sed etiam suavis & iucundia efficiatur. Experti sunt plures. Experiatur & Amandus. Verum in animo concidit, & dispensationem in suo voto anhelat.

Quare sit

(o)

QUÆSTIO II.

An hoc votum Amandi sit reservatum Pontifici, ita ut ab inferiori dispensari vel commutari nequeat?

R Epondi breviter, non esse refer-
vatum, ex hoc præcipue funda-
mento: nullum votum, de cu-
jus valore habetur morale dubium,
sive Juris sive facti, sive positivum
sive negativum, censetur esse refer-
vatum. Suar. 10. 2. de Relig. tr. de
Votis. 6. c. 26. n. 6. Sanch. Moya
& alii communissime, eò quod reser-
vatio sit odiofa, consequenter re-
stringenda ad vota, quæ sunt certa.
Et ad quid serviat reservatio voti,
si dubia sit & negari possit ejus exi-
stentia? Sed votum Amandi in his
circumstantijs editum nou est cer-
tum, sed dubii valoris, quia valorem
negant graves DD. ex argumentis
gravibus & verè probabilibus, ita ut
probabilitas tam extrinseca quam
intrinseca hujus sententiae, valorem
negantis, negarint non possit. Confir-
matur. Peccata dubia non cadunt
sub reservationem, ita ut inferior
ab ijs absolvere nequeat: ergo nec
vota dubia, seu dubij valoris, ca-
dunt sub reservationem, ita ut in-
terior in ijs dispensare nequeat. Ex-
tendit se Responsio hæc etiam ad
votum castitatis certò validum ab
initio, cuius tamen perseverantia
redditur dubia propter supervenien-
tes gravissimas tentationes priùs
non prævisas, quia sententia,
qua hujusmodi votum simplex casti-
tatis cessare, & non amplius obli-
gare post mutatas tam notabiliter
circumstantias docet, est pariter ve-
re probabilis (quamvis ego non te-
beam) consequenter perseverantia

voti redditur dubia, & obligatio il-
lius definit esse certa.

Sed penes quem est potestas dis-
pensandi in hoc voto? 3. i. penes
Episcopum proprium voventis
quoad utrumque forum, in & exter-
num. c. 1. c. 7. de Voto. Extrav. 5.
de pœnit. int. comm. 3. 2. pro foro
interno etiam Religiosi Mendican-
tes, quibus sui Superiores hanc po-
testatem non restrinquent, vi suo-
rum privilegiorum ab Innoc. VIII.
Eugen. IV. Martino V. Paulo III.
Gregor. XIII. ipfis concessorum, vi
quorum hi Regulares possunt dis-
pensare aut commutare omnia vo-
ta, qua potest Episcopus jure ordi-
nario. Notandum tamen, quod
nec Episcopus, nec Religiosi Men-
dicantes, vel aliter privilegiati dis-
pensare debeant simpliciter & sine
adjecta commutatione in alia cœra
pia, saltem minora & facilitiora, v. g.
in unum vel alterum Pater & ave sin-
gulis diebus, & in unam simul vel
alteram Confessionem singulis an-
nis faciendam &c. partim quia Cu-
ria Romana id observat in suis dis-
pensationibus, partim quia fortassis
causa non est sufficiens ad meram
dispensationem, qua tollitur votum
absque substitutione alterius pii ope-
ris; & hinc, quod minor apparet causa
dispensandi, eò majus substituatur
aljud opus meritorium. Causa
justa dispensandi vel communitandi
in nostro casu ab omnibus agnoscit
tur esse periculum labendi in gravia
& multa peccata incontinentia &
sacrilegij.

Ccc 2 Tl.